

www.BibleForChildren.org

Génesis 3



Enga jé u uje jnani pésu dacoté i
enga i tu Éva ome uté nanique, uje i
uté qui tu gu pucuecaringuei. Chiraja
gu uje a erámi unirisórone ore eca iji
jnumi jnese gu uaté, enga a ore cho
daté iji uaté jnese jne.




Ugai u uje aringácachequípise
nanique ome dojode cuchiso ore jnese
uje Pangarádejnai Dupade pésu ore
nanique. Enga ugai tuté chise chequé
bajaque nanique enga catecãri enga
chojninga: –¿Jec ãré ga Dupade
chãraque poridie udire jnese iji dejnai
tuté ujetiga
acho udire
adie?–




Mu chequé chajnai
enga chojninga:

–Úngare. Dupade juéga
añe ujetiga yajo adie
jnese iji jutícabia. Gusu chojmára uje
charángome yoque iji dajutícabia
gatócoro ujetiga ca yajo uaté adie iji
gatócoro jogoto.




Dupade chingome
yoque ujetiga ca yajo,
jé aja ujetiga ca
yisagopo te rĩ.

Chamáñaje ujetiga yajo jeoga yisago enga
yitogoi ome jne.– Mu ugai chajnai enga
chojninga: –Que u gotique Dupade
uruode. A ca atoyoi jne
ujetiga acho garengué
pore adie udire.–



Ugai qué catecãri
chequé bajé engã
chojninga: –Dupade
chiraja aĩe ujetiga acho
guejnai gatócoro jogoto pore
adie engã jé u ujetiga
arajáyo cucha gajnaréngone,
cucha arégode ore iji ñane
engã a oyópise
Dupade jne.–




Jecute chequé chajire poria adie enga
e pota iji dáyipie. Enga e potapo rĩ
ujetiga chiraja cuchade ome to. Enga
jé doi enga chisa a uaté enga e tagu
to. Enga e chisi ome dabai enga e
chũraja. Enga abai
tagu a tuaté to
nanique. Uje ore
tagu poria uaté a
tuaté enga jé u uje
quene ore
chiraja uje
choquíbi
ore.



Enga cho ujetiga quene oráyipiedie
chuchêre dabáyode enga ore chajire
dejode. Enga jé u uje ore chuga
poridie acarane aja ñane uje poria
tuaté i tu 'higuéra' nanique, enga jé u
uje ore chaco
dabáyode
nanique.





Mu Pangarádejnai Dupade
tibidi jnani enga chojninga: –¿Agúsoi rique a?– Mu
jnani chajnai enga chojninga: –Yudute barichai que
uje bacáji bajutícabia yui enga yitodópisa.
Chamáñaje choquíbi yu gu.





Jecute yipógu yu ome ua.— Enga Dupade catecãri
enga chojninga: —¿Gosi chingome uaque a uje
choquíbi uaque? ¿E acho yarengué
pore adie que a?—



Mu jnani chajnai ga chojninga: –Berané chequé uje
basi ome yu diríca, uje chiese yátajató tu diríca,
uaté u uje chũraja yu. Jecute yagu to ome
uaté.– Jé u uje Pangarádejnai Dupade
catecãri chequé uaté to enga chojninga:
–¿Gotique gu a uje bãraja babai que?
– Mu chequé chajnai Dupade uruode
enga chojninga: –Ugai u que uje
chãra yu ga yagu
barengué pore
adie to.–





Jecute Pangarádejnai Dupade
doi jnani tuté enga chijócãre ore iji
dajutícabia uaté uje déji puniri Edén
nanique. Enga chojninga: –Be ga
asa bejode iji barani casica
jnupe.–



Uje Dupade e tóra ore aja guesi iji
dajutícabia enga doi nanique enga
chicha darógode gaté unirísoño aja
dajutícabia uaté yui iji quedé
garani yui.





Enga asórreraque déji to uje
pioguipise enga chibote erámi to
ga chãraque poria yui ujetiga ca
ayorérique chisápo to nanique rĩ.
Uje poria uaté adie gajnei tu
pucuecaringué
eyúgojmai
nanique gu.



Enga jnani bajai, acoté e ore chisa ñane enga jé u uje
jeque chequé bajé Éva enga abi déji ajei. Enga uaté
abi base nanique enga Caín u nanique. Enga chequé
bajé chojninga: "E yabi cuse to enga
diyoqui. Enga Pangarádejnai Dupade
gueranome yu."




Udojo quigade enga chequé bajé jequepo rĩ. Enga
ape ejoi i u Abel, enga Caín desai tu. Enga Abel tuté
chucué dáyipie iji dajei nanique jetiga chirote
áyasadie. Jé basa Caín uté chucué
dáyipie to ujetiga utáca jne.



Sequeredie jieí iji udojo quigade engá Caín tẽra dacade
cucha adie petígome Pangarádejnai Dupade. Enga
Abel jnopo dachidedie áyasai ape bajé
omenie uñanie údi rĩ ome Pangarádejnai
Dupade jetiga tẽrame Dupade. Enga
Pangarádejnai Dupade chajire
gueranenie áyasai udire engá
irasique re
ome uje

tẽrame.



Mu uje Caín di deranone cucha adie údi iji to mu
Dupade chajire bisideque uje que pota gu. Uje Caín
chimo uje Dupade chetaque
gueranone enga jĩraque ajei dotãripise
enga uredie niji.



Enga chise diri nanique uje Caín dejéna desai Abel aja daquigade ujetiga ore chisõrape iji erámi. Enga jé u uje idája ore iji ore qui tuté enga jé u uje Caín chisa desai enga chujépise nanique.



Udojo quigade enga Pangarádejnai Dupade catecãri
Caín enga chojninga: –Caín á, ¿déji rique besai Abel?–
Enga Caín chojninga: –Que yiraja jogatique, a déji
sañeque. A ca yajnei tu añe ujetiga
yañuru yesai tuté guio uje e jnacare
yoque jnese gu.–



Enga jé u uje Caín jnoji pijogadi tuté nanique uje
Dupade, Caín ore catecãri ñane iji, enga Dupade
chirógapo aja doi nanique. Enga qui tu guedé garani
yui nanique, enga chise puniri uje i tu
Nod uje puniri tuté déji Edén uéchai.



Enga Adán nonapo dacoté rĩ enga jé u uje jequepo rĩ.
Enga abi base enga ore pésu i enga i tu Set. Enga jé u
uje chequé bajé Éva chojningame dabai: "¡Jé
cajire to! Dupade tẽrapo yabi tome yu rĩ
ujetiga basája baja casica Abel jogadi te
rĩ, uje Caín chujé nanique."



Udojo quigade enga Adán guejnanie sequerei chise
800 años nanique enga quene topísi. Mu que gusu
Adán ape bajade, Caín, aja Abel, Set ore
nanique mu ejode dépoji to rĩ enga diyoqui
uñéngo, jé diyequé uñanie.



Yáta guejnanie sequerei udire aja ñane enga e chise
930 años nanique ome Adán aja dagachodi.



Iji dirode udojo nanique enga Pangarádejnai
Dupade chajire jnumi jnese nanique. Mu
e chimo erámi unirisórone udore uje
que ore áyipieraque jnopóji cucha
gajnarétique nanique rĩ.



Enga íjnoque puajatiquei ome Dupade nanique
iji ore ipesudode cucha gajnarécho
jmainie. Enga Dupade chijáro
daruode iji jnumi enga chojningápo
rĩ: "¿Jé gotique gu a uje yipésu
ore nanique?"



"A yiji jnenga yĩro yipesudode ayoré ore jnese jne. Enga a yátaja cuchiso ponáyone jnese jne, jé aja cuchisode uñane rĩ uje quĩrique ore dique iji jnumi tudé, jé aja chugúperone ore jnese to jne rĩ."



Dupade urúo udore mu qué jnani uñai déji nanique
uje pésu Dupade ojningane cucha. Dupade chajire
uté to nanique mu ajei tejnu ome nanique
enga chimesẽre nanique enga
chirógaja daroquéode
jeta pésu.



Enga Noé abode gadioque nanique. Enga ore
íode u udojo: Sem u uñai nanique. Jé basa ga
uñai i tu Cam to nanique. Jé basa ga
uñai i tu Jafet to nanique rĩ.



Enga Dupade chijnorapise erámi
jogosórone ore. Jecute tẽra dajnacare
ugurui ome ore. Ujetiga gosi changureta
enga gajneque pucuecaringué
eyúgojmai iji deréjnane jnese.
Enga a ca chimo Dupade
ujuyaquédatéi jne
ome re.



Romános 3:23 Chamáñaje sijnaque yoque jnese gu. Enga
que toque go Dupade ingoningájnai úringárique
diquiyágame yoc.

Romános 6:23 Pisijnaringuéone a cho darógode oré jne,
enga oré u pitoringai ome ore. Jé basa Dupade guẽrate
bisidei u pucuecaringué eyúgojmai ga gose
Yocangarádejnai Jesucrístó adode ome uyoc.

Hebréos 9:27 Adi jé u uje yitogoi enga chojmára to. Enga
quigade u uje pajirique yocadode aja quigode enga
pipesute yoquiquigode rĩ.

Efésios 2:8,9 Jecute adójnacho uje Dupade e chiqueta
uaque gu dacaniratiguédatéi ome uacanguretigai iji uté.
Enga que garani u uacadode uñeque go. Mu Dupade
guẽrate bisideque uacáringane piquetaque ome uaque.



Que toguírase arña ujetiga ayorérique ipesutique cucha
uñeque chiborátarásaja uté gosi úringárique piquetaque.

Enga qui tu gu jetiga jé ca uñeque chosi riji gaté ga
chojningárasa ome dajoyaquéode: "Dupade chiqueta yu gu
yátegoningáne udore."

Romános 10:9,10 Jecute yocacajnaquéode quigode chósi
tome uaque: Ujetiga atata uje "Jesús u Pangarádejnai"
ome babijnani uté iji bojode ayoré edominone, enga
banguretápo rĩ iji báyipie uje Dupade chiringare Jesús uté
iji úringai toque, enga a báringai piquetaque jogadi u jne
ome Dupade.

U gu uje gosi changureta iji dáyipie, enga Dupade cho
ayoré ujñapetáguiji uté; enga uté gosi chatata danguretigai
uté iji dojode ayoré ore edominone, enga jé u uje pijógome
dáringai piquetaque.



Juan 3:16,17 Enga Dupade chijnorapise erámi jogosórone ore. Jecute tẽra dajnacare ugurui ome ore. Ujetiga gosi changureta enga gajneque pucuecaringué eyúgojmai iji deréjnane jnese. Enga a ca chimo Dupade ujuyaquédatéi jne ome re.

Dupade que ajéode u ujetiga chiroque dajnacari aja erámi ujetiga cho dajuñame ore. Mu chirógaja erámi gu ujetiga chiqueta ore.



1 Juan 5:11-13 Enga Dupade ojningane cucha u uje
Dupade chisi ome pucuecaringuei iji deréjnane ome
yoque. Enga pucuecaringuei uté jõrai u Ujnacari úringai
pangurete.

Jecute gosi uje Dupade Abi déji gari, enga pucuecaringuei
iji deréjnane dépoji gari to rĩ. Mu ujetiga ca Dupade Abi déji
gosi, enga que gajneque pucuecaringuei to uje déji
Dupade Abi.

Yurusarane unojo gajnengórone u uaque uje
uacanguretáyo Dupade Abi, ujetiga arajáyo to uje Dupade
guerani pucuecaringué gajnengórone u uaque iji
deréjnane jnese.



Génesis 3 – 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Ayoreo (ayo) © 2021 Ethnos360

<https://www.bible.com/en-GB/bible/2825/GEN.1.AYORE>

©2025 Bible for Children, Inc.

www.M1914.org www.bibleforchildren.org

